

ص ۱ :

(نيسان ۱۹۱۷)

سنة ۱ :

دار الفنون اجتماعيات دار المساعي نشر ياندره

اجتماعيات مجموعه سى

مدير :

نجم الدين صادق

دار الفنون اجتماعيات مدرس معاون

مذرجات :

نظري قسم

مقدمه * * *

اجتماعيات و فكريات ضيا كوك آلب

اجتماعياتده احصائى اصول احمد امين

اجتماعيات نه در نجم الدين صادق

عملى قسم

ملى اجتماعيات : اصول ضيا كوك آلب

بغورك نهى و منشأ لرى اميل دور قام

استانبول — مطبعة عامره

۱۳۳۳

مقدمہ

صوک زمانلرده مملکت مزده اجتماعى علملر پک زیادہ رغبتہ مظهر اولمشدر . بالخاصہ اجتماعیات بوتون منور ذہنلری آز جوق اشغال ایتمکده در . انتقال دورہ سنده بولتان و - هر یرده سوبله نیلیدیکی کبی - اجتماعى بر بحران کچیرن بر مملکتده هر کسی اک زیادہ دوشوندرن مسئله طبیعى درکه موجود اجتماعى مؤسسہ لردن هانکیسک طبیعى وهانکیسک مرضی اولدیغی آ کلامق ولانم کلنلرک اصلاح ویا تعدیل چاره سنی آراقدر . فقط بر جمیت داخلندہ کی مؤسسائی اصلاح و تدای ایتک ایچون بو مؤسسہ لرک ماهیتی، نه کبی قانونلره تابع بولوندیغی بیلیمک اقتضا ایدر . (باقون) ک عالم طبیعى حقندہ سوبله دیکی شی ، اجتماعى عالم حقندہ عیناً قابل تطبیق در . اجتماعى بر هیئتہ اجرای تأثیر ایدہ بیلیمک ایچون بو هیئتک معین قانونلری و بونک ، انسانلرک اراده سیله لاعلی التمین ده کیشہ سیله جک برماکنہ اولمادیغی بیلیمک لازمدر . بونی ده اجتماعیات علمی اوکره تیر . بناءً علیه ایجه قانمز که بو مجموعه بر احتیاج محصولی در . انتشارندن مقصد ، علمی و بوکسک تدقیقلره ، متبحرانہ تبعلره معکس اولق دکلدر . اجتماعیات مجموعه سی ده متواضع اوله جق و علمی اجتماعیاتى مملکتک منور صنئی ، عالی وتالی مکتبلر طلبہ سی و بالعموم معلملری آراسنده نشر ایتک وملتک دوشونمک، اوقومق، اوکره نمک ایستیان بوتون بومنور قسمی اصل اجتماعیات ایله الفت ایتدیرہ رک غزته جی و رومان اجتماعیاتندن قورنارمق کبی بلکه ده متواضع فقط هر حالده دها مشر برغایه تعقیب ایدہ جکدر . بونک ایچونده ، مقالہ لر موضوعی واسلوبی اعتباریله غایت بسیط اوله جق و مجموعه نک بوتون صایبرلری دها زیادہ تدریسی و اصولی بر سلسله تعقیب ایدہ جکدر . مجموعه ؛ آنجیق ، تعقیب ایدہ جکی مسلک ونظریاتہ موافق یازیلری نشر ایدہ جک ونظری ، عملی اولق اوزره ایکی قسمی

محتوی اوله جقدر . نظری قسمده اجتماعاتک اک دوغری واک سالم نظریاتی ، اصول
 مسئلهسی و دینی ، اخلاقی ، بدیی ، اقتصادی اجتماعیات مسئلهلری و عملی قسمده اجتماعیات
 نظریاتنک ملکتمزه تعلیقندن چقان نتیجهلر یعنی ملی اجتماعیات مسئلهلری موضوع بحث
 اوله جقدر . بوندن ماعدا کتابیات قسمندهده شرق و غرب اجتماعیوننک ونشر اوله جحق
 سائر اجتماعیات کتابلربنک تنقیدلی تدقیقاتی بولنه جقدر .

